

LA REPRESIÓN NUN VA APARAR LA LLUCHA DE LA CLASE OBRERA

El marcu llegal vixente persigue acallar les protestes de la clase obrera énte les continues agresiones que venimos sufriendo nel campu llaboral, social y sindical. Pero por munches lleis que nos llanten o por munches sanciones que nos apliquen, nun vamos callar, nin vamos resignanos, nin vamos arrenunciar a les nuses aspiraciones como clase. Vamos seguir saliendo a la cai pa denunciar les situaciones d'inxusticia llaboral, sindical y social.

Les socesives reformas llaborales, acompañaes de lleis represores, permite afirmar que tolos gobiernos, d'una u otra ideoloxía, fueron los creadores d'un marcu llegal que permite a empresas, gran capital y multinacionales aumentar les sos ganancies al empar que conderga a les clases trabayadores a la precarización llaboral, la pérda de poder alquisitivu y el retayu de drechos.

Les estremaes formes de represión sofítense nuna llexislación fecha a midía pa reprimir a les persones que nun acepten una postura de sumisión énte despíos, sanciones, eres o desagospios... Les lleis criminalicen les protestes de quien tamos dimpuestxs a lluchar pa camudar un sistema corruptu y depredador, centráu n'algamar el beneficiu a costa de lo que seya, incluyía la sostenibilidad de les nuses vides. Quieren silencianos, pero dende equí anunciamos que nun van consiguilo.

Nun habrá cárcel, nin despíu, nin sanción que frene'l descontentu xeneralizáu d'una clase trabayadora farta de perder drechos, de desagospios, de nun poder llegar a fin de mes, farta de la precariedá reinante y farta de sentir a persones que ficieron de la política la so profesión ensin pisar un tayu na so vida, en tertulies con tertulianxs pagaxs de sí mesmxx, faciendo'l paripé un día sí y al otru tamién mientras nun cambia nada nin se atisba salida denguna pa les persones que carecen de too, de trabayu, de vivienda, de futuru... Tenemos que protestar y movilizanos. Énte la represión tenemos que desendolcar los valores de la solidaridá sofítándonos mutuamente.

¡NUN VAN CALLANOS!

DESIXIMOS LA DEROGACIÓN DAFECHU DE LA “LLEI MORDAZA”

- El fondu d'esta llei ye intimidar la protesta social y llimitar la llibertá d'espresión y d'aconceyar pa llimitar y acallar les protestes escontra la crisis permanente.
- La Llei Mordaza utilizóse específicamente escontra activistes, dificultando reivindicaciones pacífiques, nel ámbitu sindical y políticu, asina como nes protestes pa la defensa'l drechu a la vivienda o al mediuambiente. Lo mesmo impactó negativamente perxudicando'l drechu a la llibre información y espresión.
- Vixente dende xunetu del añu 2015, foi l'instrumentu llegal empleáu pol Ministeriu del Interior pa imponer una media de 80 multes diaries, garrando como referencia finales del añu 2017.
- Sigún datos del Ministeriu del Interior, impunxéronse 73.187 sanciones aplicando los artículos 37.4 y 36.6 de la llei, ensin incluyir les impuestos poles policíes autonómiques de Cataluña, Euskadi y Navarra. L'importe económicu podría rondar los 25 millones d'euros, ensin contabilizar recursos o descuentos por prontu pagu.
- Esta llei enanchó'l poder de los axentes policiales, ensin mecanismu de control dengún, síntoma indicativu d'impunidá de l'Alministración sobre les persones en tou'l procesu sancionador.
- Al traviés d'esta llei reformáronse otres como la d'Estranjería posibilitando les devoluciones na propia frontera de persones migrantes incumpliendo con puntos que formen parte de los Drechos Humanos básicos como puede ser la prohibición de devolver a una persona al sitiu onde la so vida, la so integridá o la so llibertá puedan correr dalgún peligru.

RAZONES ABONDES PA UNA DEROGACIÓN INMEDIATA

XORNAES ENCONTRA

LA REPRESIÓN



XUEVES 13 DE XUNU

CHARRA-ALDERIQUE

19H PLAZA L' HUMEDAL

XUEVES 20 DE XUNU

CARAVANA ANTI-REPRESIVA

9H SALIDA CASA SINDICAL

XINTA DE TRAXE

15H SOLARÓN

MANIFESTACIÓN

19H XULGAOS DE XIXÓN


LA CARAVANA ANTI-REPRESIVA VA A SALIR A LES 9H D'ENDE LA CASA SINDICAL DE XIXÓN Y VA A PERCORRER LA CIUDÁ PASANDO PELOS DISTINTOS CENTROS DE TRabayu SOFTIANDO A LES NUESOS COMPAÑEROS Y COMPAÑEROS QUE TÁN SUFRIENDO DALGÚN TIPU CONFLICTU LLABORAL

ENCONTRA

LA

REPRESIÓN

LLABORAL - SOCIAL - SINDICAL



CONCIENCIA DE CLAS,
LLUCHA Y ORGANIZACIÓN

ENTAMEN

